



Broj: JN1/03-50-5-43/19
Sarajevo, 16.10.2019. godine

Na osnovu tačke IV stav.1 Odluke o osnivanju Centra za uklanjanje mina u Bosni i Hercegovini («Službeni glasnik BiH» br. 15/02 i 44/16), člana 61.stav (2) i 101. stav (2) Zakona o upravi («Službeni glasnik BiH» br. 32/02, 102/09 i 72/17) i na osnovu člana 64. stav (1) tačka (b) i člana 70. st. (1), (3) i (6) Zakona o javnim nabavkama («Službeni glasnik BiH», broj 39/14), na preporuku Komisije za javne nabavke (u daljem tekstu: Komisija) broj: JN1/03-50-5-43/19 od 30.09.2019. godine, direktor Centra za uklanjanje mina u Bosni i Hercegovini-BHMAC (u daljem tekstu: Ugovorni organ), donosi:

ODLUKU

o izboru najpovoljnijeg ponuđača u postupku javne nabavke goriva za potrebe BH MAC-a

Lot 2- Republika Srpska

Član 1.

(Predmet odluke)

Prihvata se preporuka Komisije broj: JN1/03-50-5-43/19 od 30.09.2019. godine i ugovor za javnu nabavku goriva za potrebe BHMAC-a dodjeljuje najpovoljnijem ponuđaču:

„Nestro Petrol“ a.d. Banja Luka za ponudenu cijenu u iznosu od 60.620,92 KM bez PDV-a, odnosno 70.926,48 KM sa PDV-om.

Član 2.

(Dostavljanje dokumentacije)

Izabrani ponuđač je dužan u roku od tri dana od dana zaprimanja ove Odluke dostaviti original ili ovjerene kopije onih dokumenata koje nije dostavio, a koji su traženi u tenderskoj dokumentaciji (član 45.stav 2. Zakona).

Član 3.

(Objava odluke)

Ova odluka objavit će se na web-stranici BHMAC-a, www.bhmac.org, istovremeno s upućivanjem iste ponuđačima koji su učestvovali u postupku javne nabavke, shodno članu 70. stav 6. Zakona o javnim nabavkama.

Član 4.

(Stupanje na snagu)

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

OBRAZLOŽENJE:

Postupak javne nabavke pokrenut je Odlukom o pokretanju postupka javne nabavke goriva za potrebe Centra za uklanjanje mina u BiH/BHMAC broj: JN1/03-50-5-43/19 od 31.07.2019. godine. Postupak javne nabavke je sproveden putem otvorenog postupka uz zaključivanje



okvirnog sporazuma u trajanju od 24 mjeseca i isti je podijeljen na tri lot-a i to Lot1 (Federacija BiH)-Sarajevo, Travnik, Bihać, Mostar i Tuzla, Lot 2 (Republika Srpska)-Banja Luka i Pale i Lot 3 (Distrikt Brčko)-Brčko. Procijenjena ukupna vrijednost nabavke iznosi 230.769,23 KM bez PDV-a odnosno 270.000,00 KM sa PDV-om. Procijenjena vrijednost nabavke za Lot 1 iznosi 66.393,19 KM bez PDV-a.

Obavještenje o nabavci je objavljeno na Portalu javnih nabavki broj: 1407-1-1-42-3-12/19 od 05.09.2019. godine u 8:21 sati.

Rješenjem broj JN1/03-50-5-43/19 od 10.09.2019. godine imenovana je Komisija za provođenje postupka javne nabavke goriva za potrebe Centra za uklanjanje mina u BiH/BHMAC (DIZEL BAS EN 590 (10 ppm) i benzin BMB 95 BAS EN 228 za potrebe Centra za uklanjanje mina u BiH-BHMAC).

Krajnji rok za dostavljanje ponuda je bio 25.09.2019. godine u 11:00 sati, a javno otvaranje ponuda je izvršeno istog dana u prostorijama Centra za uklanjanje mina u BiH, sa početkom u 11:30 sati što je konstatovano Zapisnikom sa otvaranja ponuda broj: JN1/03-50-5-43/19 od 25.09.2019.godine, a u istom je utvrđeno da je za Lot 2:

- ukupan broj pristiglih ponuda, dvije ponude;
- ukupan broj blagovremeno pristiglih ponuda, dvije ponude;
- nije bilo neblagovremeno pristiglih ponuda, i
- nije bilo prisutnih predstavnika ponuđača.

Nadalje, Za Lot 2, do roka koji je određen za dostavljanje ponuda tenderskom dokumentacijom, pristigle su sljedeće ponude, prema redoslijedu zaprimanja:

1. Ponuda JN1/03-50-5-43/19 pod rednim brojem 1. ponuđača Nestro Petrol a.d. i
2. Ponuda JN1/03-50-5-43/19 pod rednim brojem 2. Ponuđača Hifa Petrol d.o.o. Sarajevo.

Dostavljanje Zapisnika sa otvaranja ponuda izvršeno je prema učesnicima postupka nabavke u zakonskom roku.

Nakon izvršenog otvaranja ponude i čitanja cijena navedenih u obrascu za cijenu ponude, Komisija je pristupila analizi dokumentacije priložene uz ponudu u smislu provjere njihove validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponude u skladu sa pravilima i procedurama utvrđenim tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima. Kriterij za dodjelu ugovora u postupku javne nabavke je najniža cijena.

U postupku ocjene blagovremeno pristiglih ponuda za Lot 2, Komisija je utvrdila da dostavljena ponuda ponuđača Hifa Petrol d.o.o. Sarajevo nije prihvatljiva za ugovorni organ. Naime, tačkom 6.4. pod a) tenderske dokumentacije u svrhu dokazivanja tehničke i profesionalne sposobnosti, ponuđači su bili dužni ispuniti uslov rapoloživosti najmanje jedne benzinske pumpe koja ima radno vrijeme od 00-24 (7 dana u sedmici), a koja ima u ponudi tečna goriva koja su predmet ove nabavke u gradovima Banja Luka i Pale. Kao dokaz kojim ispunjavaju ovaj uslov, ponuđači su bili dužni dostaviti spisak svih benzinskih pumpi koje dobavljač ima na raspolaganju sa navedenom adresom/lokacijom. Ponuđač Hifa Petrol doo Sarajevo je dostavio spisak benzinskih pumpi na području Bosne i Hercegovine u kojem nije navedeno da ovaj ponuđač ima raspoloživu benzinsku pumpu u Banjoj Luci i Palama kao što je traženo tačkom 6.4.tenderske dokumentacije.

Nadalje, Komisija je utvrdila da Nacrt okvirnog sporazuma sadržan u Aneksu 7 nije popunjen kako je to traženo tačkom 10. pod rednim brojem 11. tenderske dokumentacije.



Komisija je utvrdila da je ponuda ponuđača Nestro Petrol a.d. Banja Luka za Lot 2 prihvatljiva za ugovorni organ i da ista može biti predmet vrednovanja shodno utvrđenim kriterijima u Obavještenju o nabavci, odnosno tenderskoj dokumentaciji te je ustanovila sljedeću rang listu za Lot 2:

1. Ponuda ponuđača Nestro Petrol a.d. Banja Luka sa ukupnom ponudenom cijenom u iznosu od **60.620,92 KM bez PDV-a**, odnosno **70.926,48 KM sa PDV-om**.

Izabrani ponuđač kako je gore navedeno, ocijenjen je kao najpovoljniji prema kriteriju „najniža cijena“.

Komisija za javnu nabavku je direktoru dostavila Izvještaj o radu komisije koji je ujedno Zapisnik o pregledu i ocjeni ponuda broj: JN1/03-50-5-43/19 od 30.09.2019. godine s preporukom da za Lot 2 donese odluku o dodjeli ugovora za nabavku goriva za potrebe BHMAC-a najpovoljnijem i jedinom rangiranom ponuđaču Nestro Petrol a.d. Banja Luka.

Direktor u provedenom postupku ocjene ponuda nije našao nepravilnosti ni propuste u radu komisije, te je izbor najpovoljnijeg ponuđača izvršen u skladu sa Zakonom o javnim nabavkama i podzakonskim aktima.

S obzirom na navedeno, odlučeno je kao u članu 1. Odluke.

POUKA O PRAVNOM LIJEKU:

Pouka o pravnom lijeku: Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke. Žalba se podnosi u dovoljnom broju primjeraka, a koji ne može biti manji od tri.

Direktor
Saša Obradović

